

Na osnovu člana 64. stav 1. tačka tačka b), člana 70. stav 1,3 i 6. Zakona o javnim nabavkama (SG BiH br: 39/14), a u skladu sa Rješenjem Ureda za razmatranje žalbi Bosne i Hercegovine, broj JN2-03-07-1-1078-7/16, od 10.11.2016. godine, te na preporuku Komisije za javne nabavke, po provedenom postupku za nabavku radova putem otvorenog postupka, Rukovodilac službe - Pomoćnik gradonačelnika za Službu za komunalne poslove, izgradnju i poslove mjesnih zajednica donosi:

## **ODLUKU o izboru najpovoljnijeg ponuđača**

### **Član 1.**

Izgradnja sistema vodosnabdijevanja naselja Gornja Lipnica, I faza (ponovljeni postupak) dodjeljuje se ponuđaču **ŠF INŽENJERING doo Tuzla** koji je dostavio ponudu br. 48/16-II od 07.10.2016 godine u kojoj je ponuđena ukupna cijena u iznosu od **686.000,63 KM bez PDV-a** odnosno **802.620,74 KM sa PDV-om**.

### **Član 2.**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **Član 3.**

Ova odluka objavit će se na web stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 4.**

Ova odluka stupa na snagu danom donošenja.

## **Obrazloženje**

Postupak javne nabavke pokrenut je Odlukom o pokretanja postupka javne nabavke br. 05-14-6125/16 od 22.09.2016 godine. Postupak nabavke je proveden otvorenim postupkom za koji je objavljeno obavještenje o nabavci broj: 1004-1-3-121-3-104/16 na Portalu javnih nabavki a sažetak obavještenja o nabavci objavljen je u „Službenom glasniku BiH“ broj: 73/2016 od 30.09.2016.

Postupak nabavke provela je Komisija za javne nabavke imenovana Rješenjem br. 05-14-6125/16 od 22.09.2016 godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda 4 (četiri);
- da je blagovremeno zaprimljeno 4 (četiri) ponude;
- da nije bilo neblagovremenih ponuda;
- da je broj prihvatljivih ponuda 2 (dvije);
- da je broj neprihvatljivih ponuda 2 (dvije).

Na osnovu činjenica utvrđenih u postupku pregleda i ocjene ponuda, odnosno na preporuku Komisije iz Zapisnika o pregledu i ocjeni ponuda, od 11.10.2016. godine, donešena je Odluka o izboru

najpovoljnijeg ponuđača, broj 05-14-6125/16, od 11.10.2016. godine, kojom se izvođenje radova koji su predmet nabavke dodjeljuje ponuđaču TEHNOGRAD d.o.o. Tuzla.

Po prijemu obavještenja o rezultatima postupka, odnosno pomenute odluke, kao i ostale relevantne dokumentacije propisane odredbama Zakona o javnim nabavkama, ponuđač „ŠF INŽENJERING“ d.o.o. Tuzla izjavio je Žalbu, broj 321/16-I, od 20.10.2016. godine, na Odluku o izboru najpovoljnijeg ponuđača, broj 05-14-6125/16, od 11.10.2016. godine. Pomenuta žalba dostavljena je nadležnom Uredu za razmatranje žalbi Bosne i Hercegovine na postupanje, zajedno sa relevantnom dokumentacijom postupka, i izjašnjenima na žalbene navode. Postupajući po predmetnoj žalbi, Ured za razmatranje žalbi Bosne i Hercegovine donio je Rješenje, broj JN2-03-07-1-1078-7/16, od 10.11.2016. godine, kojim se žalba usvaja kao osnovana, poništava Odluka o izboru najpovoljnijeg ponuđača, broj 05-14-6125/16, od 11.10.2016. godine, i predmet vraća ugovornom organu na ponovni postupak ocjene ponuda.

Postupajući na osnovu i u skladu sa rješenjem od 10.11.2016. godine, a uvažavajući zahtjeve i kriterije iz tenderske dokumentacije, Komisija je u ponovnom postupku pregleda i ocjene ponuda utvrdila sljedeće:

- da je ukupan broj pristiglih ponuda 4 (četiri);
- da je blagovremeno zaprimljeno 4 (četiri) ponude;
- da nije bilo neblagovremenih ponuda;
- da je broj prihvatljivih ponuda 4 (četiri).

Na osnovu činjenica utvrđenih u ponovnom postupku pregleda i ocjene ponuda, odnosno na preporuku Komisije iz Zapisnika o pregledu i izvršenoj ponovnoj ocjeni ponuda, od 01.12.2016. godine, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD TUZLA  
Služba za komunalne poslove, izgradnju  
i poslove mjesnih zajednica

RUKOVODILAC SLUŽBE  
POMOĆNIK GRADONAČELNIKA

Kurević Kemal, dipl.ing.maš.

Broj: 05-14-6125/16  
Tuzla, 01.12.2016 godine